

金山  
在鎮江府城西北  
七里大江中唐裴  
頭陀於此開山得  
金故名一名浮玉  
山有泉曰中冷陸  
羽品為天下第一  
山之東有日照岩  
東麓有善才石一  
名鵲峯西有石排  
山其頂則金鰲妙  
高諸峰在焉浮圖  
剎其上屹立梯霄  
洪濤四繞宋汪藻  
所云攬數州之秀  
於俯仰之間者也



焦山

在鎮江府城東北  
九里大江中以漢  
焦光隱此故名與  
金山對峙上有焦  
仙嶺三詔洞諸奇  
勝不能殫述寺中  
古鼎篆銘莫能盡  
識傳為周時器浮  
圖二樓閣亭臺之  
屬三十有四山麓  
有瘞鶴銘以摹搨  
甚難康熙年間昇  
置山上乾隆二十  
二年恭逢

皇上親灑

宸翰一通摩勒上石



甘露寺

在鎮江府北固山梁武帝改曰北顧山為孫吳時建以改元甘露遂以命名舊在山下宋祥符間移建於此吳琚榜曰天下第一江山勝蹟則多景樓鳳凰池天津泉秋月潭皆其選也後有鐵柱峯觀音洞為郡城之後屏



三義閣  
在丹陽縣東門外



臨御

以備

士恭構數椽

御舟經行之地紳

植花竹為

土阜蜿蜒雜

亭地多古木

後人因以名

常繫舟於此

東南宋蘇軾

在常州府城

艤舟亭



惠山

在無錫縣城西又名慧山有泉  
出石間陸羽品為第二甃以石  
方圓各一建亭覆之自亭右折  
而西上曰若冰洞其左則惠山  
寺也寺有金蓮池亦曰浣沼泉  
流瀦焉寺左為聽松菴舊藏王  
紱諸人畫卷屢逢

臨幸題詠畱胥山寺後因收弄弗慎

致燬於火乾隆四十五年

皇上五巡江南親灑

宸翰補繪竹壚第一圖并

命皇六子及諸臣工續成二三四圖

各為一卷

賜付菴僧尊藏



寄暢園  
在惠山之左初  
本僧寮曰南隱  
又曰漚寓明正  
德中尚書秦金  
得之闢為園名  
鳳谷行窩子孫  
次第增葺易名  
寄暢環以清流  
蔭以嘉木遂成  
勝地



虎邨  
在蘇州府城西北  
九里晉司徒王珣  
別墅後捨為寺兩  
崖劈分劍池在焉  
石泉清冷不可測  
相傳為闔閭試劍  
處前為千人石晉  
異僧竺道生講經  
於此有說法臺可  
中亭點頭石諸蹟  
為近郭勝境





滄浪亭

在蘇州府學之東舊  
為錢元璪池館宋蘇  
舜欽得之作亭曰滄  
浪歐陽修有清風明  
月本無價之句其名  
遂著尋屬章惇後歸  
韓世忠愈擴其址元  
明間廢為僧舍嘉靖  
時知府胡纘宗重建  
韓祠釋文瑩復於其  
旁建滄浪亭

本朝宋荦撫吳搜訪遺  
蹟構亭於山巔得文  
徵明隸書滄浪亭三  
字揭諸楹



獅子林  
在蘇州府城東  
北隅中多怪石  
狀如狻猊故名  
元至正二年僧  
天如之門人結  
屋以居其師極  
泉石池臺之勝  
倪瓚曾作圖貌  
之真蹟傳入

內府

皇上按圖臨幸寵以  
天章



支硎山  
在蘇州府城  
西二十五里  
晉沙門支遁  
嘗憩遊於此  
山多平石如  
硎故名今石  
室寒泉放鶴  
亭皆遁遺跡  
南有三巨石  
屹立如門下  
有觀音寺故  
亦名觀音山



寒山別墅

在支硎山西明趙宦光隱此築  
小宛堂以居後為僧舍芙蓉泉  
出其旁西臨清淺池通千尺雪  
名飛魚峽東南為空谷奇石橫  
亘上跨小石如環名馳烟驛皆  
篆書刻石宦光舊跡也



皇上錫名曰聽雪山半有屋  
取王維入雲中兮養維  
之語曰雲中廬又有彈  
冠室驚虹渡皆官光舊  
址再上為法螺寺

千尺雪  
在寒山石壁峭立明趙  
宦光鑿山引泉緣石壁  
而下飛瀑如雪不減匡  
廬舊有閣未署名乾  
隆十六年



法螺寺  
在寒山山徑  
盤紆從修篁  
中百折而上  
勢如旋螺故  
名徑旁澗水  
灑洄石梁跨  
之名津梁渡



靈巖山  
在蘇州府城西三十里一名石  
鼓山又名硯山吳王置館娃宮  
於此今靈巖寺其址也內有響  
屨廊琴臺吳王井諸遺蹟頂有  
月池硯池玩華池西南為佛日  
巖壽星石醉僧石又有松嘯  
迎暉二亭並據勝地



高義園  
在蘇州府西天平山中  
有卓筆飛來卧龍諸峯  
山頂平正曰望湖臺面  
圓石曰照湖鏡山半有  
白雲泉一線泉南址為  
白雲寺宋范仲淹祖墓  
在焉旁即范氏義莊後  
闢為園乾隆十六年  
賜名高義其後羣石林立所  
謂萬笏林也





華山  
在蘇州府西三十里晉  
太康間生千葉石蓮花  
故名上有石屋二間四  
壁皆鑿浮屠像又有龜  
巢石虎跑泉蒼玉洞洗  
心泉秀屏鳥道諸勝南  
為華山寺連接三嶺曰  
涅槃曰雞窠曰賀九過  
涅槃即支硎之南峯矣



穹窿山  
在蘇州府  
西南六十  
里相傳赤  
松子採赤  
石於此有  
赤松子煉  
丹臺昇仙  
臺遺蹟東  
嶺下有盤  
石世稱為  
朱買臣讀  
書臺



鄧尉山  
在蘇州府西南七十  
里漢有鄧尉隱此一  
名光福山以地為光  
福里也西有銅井又  
一小山曰銅坑左岡  
曰米堆相近一峯曰  
西磧磧之左曰彈山  
瀕湖有閣曰七十二  
峯丹崖飛檻儼若  
畫屏東望太湖洞庭  
漁洋掩映几席實東  
南名勝之最



香雪海  
即吾家山鄧尉之  
支峯也居人以種  
樹為業滿嶺梅花  
望之如雪香亘數  
十里康熙中巡撫  
宋犛鐫香雪海三  
字於石西北石梁  
為虎山橋又有司  
徒廟北有龜山光  
福塔在焉



石湖  
在蘇州府西南十  
八里太湖之支流  
也世傳范蠡泛五  
湖始此宋范成大  
因越來溪故址為  
亭榭孝宗書石湖  
二字賜之中有千  
岩觀天鏡閣玉雪  
坡盟鷗亭諸蹟又  
有巨石鑿大士像  
因名石佛寺寺外  
長橋卧波風帆沙  
鳥出沒空濛間茶  
磨諸山映帶如畫



治平寺  
在上方山  
下臨石湖  
之北梁天  
監中建亦  
名楞伽寺  
宋治平元  
年改今名  
旁有巨井  
深不可測



上方山  
距石佛寺  
二里許一  
名楞迦山  
勢綿亘浮  
圖冠其巔  
北望吳王  
郊臺東睇  
茶磨石湖  
烟波掩映  
綿渺無極

